



UNIVERSITÄTS-
BIBLIOTHEK
PADERBORN

Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MDCCLIV. Gegenerklärung der Stadt Braunschweig, vom 15. Juli 1455.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

MDCCLIV. Gegenerklärung der Stadt Braunschweig, vom 15. Juli 1455.

Wy de Rad der Stad to Brunfwigk, Bekennen openbare in duffem breue vor alle den jennen, de one feen edder horen lefen, dat wy dem almechtigen gode to loue vnde dem hilligen Romschen Ryke to eren vnde vppe dat de kopmann vnde andere wanderende lude vnse Stad duſte zekerliker foken mogen, vns mit dem Irluchtigen Hochebornen furſten vnde heren, heren frederike dem Jungern, Marggrauen to Brandenborch vnde Borchgrauen to Nurenberge vnſem gnedigen heren gutliken voreyniget vnde vordragen hebben in duffer nabefcreuenen wiſe, alſo dat wy des obgenanten vnſes gnedigen heren finer lande vnde lude vnde vnderſaten vigende vnde beſchedigers de nicht rechtſes plegen edder ſyk an rechte nicht genogen laten enwillingen, in vnſer Stad, in vnſen Sloten, gerichtſen vnde gebeden, de wy van vnſen gnedigen furſten van Brunfwigk vnde lüneborch innehebben vorſetliken vnde witliken nicht huſen edder hegen ſchullen noch enwillingen, vnde weret dat de obgenante vnſe gnedige here in vnſer Stad, in vnſen Sloten, gerichtſen ofte gebeden ſyne ſyner lande, lude vnde vnderſaten beſchedigers iergenwur ankemen, he ofte de ſyne, de mochten ſe mit gerichte anvallen vnde dar ſcholden wy vnde wolden rechtſes ouer ſtaden vnde wy ſchullen vnde willen des obgenanten vnſes gnedigen heren lude vnde vnderſaten, wan ſe in vnſe Stad, Slote, gerichte ofte gebede komen truweliken beſchutten vnde beſchermen, ſo wy vorderſt mogen, vtgeſecht hinrike van peyne, Elre borcholten, aſſchwin holthuſen, hinrike beirmanne, hanſe beirmanne, hinrike dorwerder, hermen vorhauwer, henninge fluter, bertolde van ſchapen, corde pollene, henninge ſtockemanne, henninge langkoppe, hinrike honouer, volkmanne van retén, hanſe kerſteningerode, hermen gefeldes, hanſe witzenhufen, hinrike boſinge, hanſe nurenberge, hinrike rudemanne, hinrike dedeken, Bertolde gronen, hanſe gronen, de in vortiden vnſce Stad vppe tein mile verne vnde nicht neger tokomende vorkoren vnde vorſworen hebben, de ore eyde holden ſchullen, vnde deienne de in vnſer Stad vorueſtet ſin, ſtratenrouer, morder, mortbrener vnde deienne, de in des hilligen Rycks achte edder iemande ſchuldich weren vnde deienne de vns edder de vnſe beſchediget hedden edder de noch beſchedigeden in tokomenden tyden, de mochten vnſe Stad, Slote, gerichte vnde gebede foken vppe ore recht, der wy to vnrechte nicht enmogen noch enwillingen beſchutten edder beſchermen: vnde duffes to bekantniſſe vnde openbaren bewiſinge hebben wy vnſer Stad Secret gehenget laten an duffen breff. Gegeuen na der gebord Chriſti vnſes hern XIII^o. in dem viſſ vnde veſtigefteſten iare am dinxſdage diuiſionis apoſtolorum.

Aus einem im 15. Jahrhundert verfertigten, im Herzogl. Landeshauptarchive zu Wolfenbüttel vorhandenen Copialbuche der Stadt Braunschweig.